

Bizkaian osasun esparru soziala antolatu behar dela dio Azkunak

BERMEO

Bizkaiko osasun esparru soziala antolatu behar dela adierazi zuen atzo Iñaki Azkuna Eusko Jaur-laritzako Osasun sailburuak, Bermeoko Ospitale Psikiatrikoko pabilioi nagusiaren inaugurazio ekitaldian.

Sailburu jeltzaleak azaldu zuenez, «gaur egun bizkaitar asko dago ospitale psikiatriko honetan ingresaturik, ikuspegi medikotik bertan egon behar ez luketen arren. Gaixo hauei aurtien beste leku egokiago bat aurkitu behar zaiela» uste dugu.

«Horri esker», gehitu zuen, «baliabide gehiago izango ditugu izatez gaixo psikiatrikoak direnentzat. Osasun esparru soziala antolatu eta zehazteko Gipuzkoan eta Araban akordioak lortu ditugun bezala, Bizkaian bertan ere gauza bera lortzen saiatu behar dugu».

Bermeoko Ospitale Psikiatrikoko pabilioi nagusia berritzeko lanak orain dela hiru urte hasi zituzten. Osasun Sailak 127 milioi pezeta inbertitu ditu eraikuntza lanetan (bost milioi libera inguru) eta beste 15 milioi pezeta sukaldea moldatzen. Pabilioi honetan egindako lanekin bukatutzat eman dute ospitalearen eraberritzea; izan ere, Eusko Jaur-laritzako Osasun Sailak ez du beharrezkotzat jotzen egonaldi luzeetarako oheak gehitzea.

Perez Prados NUPeko errektore berri aukeratu du klaustroak

Hautagai bakarra gehiengo osoz hautatu dute klaustrokideek


Antonio Perez Prados Nafarroako Unibertsitate Publikoko (NUP) errektore berri aukeratu zuen atzo klaustroak. Estatistikako katedraduna hautagai bakarra zen eta gehiengo osoa lortu zuen bozketan. Hala ere, ikasle klaustrokide batek jarritako errekurtsioa dela-eta, baliteke hautaketa baliokoa ez izatea.

N. AMIGOT / IRUÑEA

Klaustroa 150 kidek osatzen duten arren, 127 agertu ziren atzoko hauteskundeetan; horietatik, Antonio Perez Pradosek 97 boto alde, 20 kontra eta 9 zuri jaso zituen lehenengo bozketan. Errektore berria Estatistikan katedraduna da eta NUPeko zuzendaritza duen lehenengo nafarra.

Perez Pradosek hautaketaren ondoren adierazi zuenez, bere egitarauaren lehentasunak «kanpusaren esparrua zehaztea zein definitzea eta titulazioak behin-betiko sendotzea» dira. Bost errektoreordetza izango ditu Perez Pradosek: akademikoa, ikerketa eta garapena, ikasleak, unibertsitate proiektzioa eta kanpo planifikazioa. Atal hauetan lan egingo duten bi pertsonen izenak soilik aurreratu zituen errektore berriak: Yolanda Barcina eta Enrique Rubio katedradunak.

Atzoko bozketan hiru ikasle taldek hartu zuten parte. Ikasle Abertzaleetako (IA) kideek kontrako botoa eman zuten, egitarauan «anbiguotasun kutsua eta zehaztasun falta» antzematen



Antonio Perez Prados NUPeko errektore berria.

OSKAR MONTERO

dukelako. Grupo Universitario taldekoak, aldiz, bat datoz errektore berriaren egitasmoarekin eta alde bozkatu dute. Arrosadia taldeko kideek, berriz, zuri edo kontra bozkatu dute.

Irakasleei dagokienez, errektoreak gehien laguntza dauka joan den maiatzean klaustroa osatzeko hauteskundeak egin zirenetik, orduan hautatutako irakasle klaustrokide gehienak bere aldekoak baitira. Hori zela-eta, Juan Garcia Blasco aurreko errektoreak klaustroaren lehenengo sesioa aurreratu zuen. Hau ekainaren 22an egin zen eta bertan Errektoretzarako hauteskun-

deen deialdia egin zen.

Horren ondoren Fernando Goñi Arrosadia ikasleen taldeko ordezkariak klaustroaren aurka errekurtsio kontentzioso-administratiboa jarri zuen. Bere ustez, errektore berria udako oporretan hautatzea ez da legezkoa, ikasle asko ezin direlako unibertsitatara hurbildu. Era berean, Juan Garcia Blascoren kontrako salaketa ere jarri du; bere ustez, prebarikazioa baita klaustroa azterketa garaian eta oporretan deitzea. Garcia Blascok «astakeria» iritzi zion horri eta «haserre pertsonala» zela adierazi zuen atzo.

Ontziak jasotzeko proiektua aurrera Deba eta Sasietan

A. M. / DONOSTIA

Sasieta eta Deba Beheko mankomunitateek beira, plastiko, kartoi eta abarrekotako ontziak jasotzeko proiektu aitzindaria hasi dute. Proiektu hau Gipuzkoa osora zabaltzeko asmoa dago. Proiektua Baiona-Angelu-Miarritze (BAB) barrutiarekin batera egingo da. Mugaz gaindiko esperientzia honek denek dituzten arazoei aurre egitea du helburu, Europako direktibak ezartzen dituen baldintzak betetzeko asmoz.

Proiektu honek ontzien deusezteia era egokian egiteko ildoak ezarriko ditu. Bere gauzatzea noiz eta nola izango den oraindik ez dago definitua. Frantziak esparru honetan duen esperientziak baliatuz, ontzia birziklatzeko sistema berria ezarri nahi dute. Sistema horrek ontziak zaborrera bota beharrean aprobetxamendu egokia ematea lortu nahi du. Proiektu honek herritarren ohiturak aldatuko ditu eta, horretarako, kaleratu baino lehen sentsibilizazio kanpainak egiteko asmoa dute, herritarrek nola erabili eta bere onurak zein diren jakin ditzaten. Era guztietako ontziak zaborretara bota beharrean, leku bereziak egongo dira berauek uzteko.

Ontziak birziklatzeko kontainerak hilabete batzuk barru kaleetan, supermerkatuetan eta leku publiko askotan ikusi ahal izango ditugu.

Hori Bai elkarteak Gazteen Eguna ospatuko du gaur Larrabetzun

G. AGIRRE / BILBO

Hori Bai gazte elkarteak, urtero legez, Gazteen Eguna ospatuko du gaur Larrabetzun (Bizkaia). Urteroko festa honek bat egiten du gaztetxearen 30. urtemugaren ospakizunekin.

Gazte elkarteak ordezkariak prentsaurrekoa eskaini zuten atzo, orain hiru urte Udaren aginduz Poliziak itxi zuen Bilboko Gaztetxearen aurrean. Gaur ospatuko den Gazteen Egunaren aurkezpenean gaztetxeen «zabaltasuna eta eraginkortasuna» goraipatu eta gazteek antolatzen dituzten kultur ekitaldien «topaleku aproposa» direla aldarrikatu zuten.

Horren adibide modura, Hori Bai gazte elkartearen duten materiala —gitarrak, liburuak, bi-

deoak, jakiak, sagardoa, ekitaldi eta kontzertuetako kartelak...— aurkeztu zuten. Aldi berean, Hori Bai-k bere inguruan biltzen dituen gazteek —mendizale, kirolari, sukaldari, musikazale...— eman zuten prentsaurrekoa.

«Bilboko gaztetxe hau indarkeriaz itxi zutenean, ustez gazteak txarkeriekin lotzen zituzten gauzak baino ez zituzten aurkitu barruan. Hau da, Larrabetzun, Euskal Herriko gainontzekoetan bezala, aurki dezakeguna», esanez mahai gainean pilatutako materiala erakutsi zuten. «Bilboko gaztetxean eskeleto bat aurkitu zuten; gurean, Olentzero daukagu urte guztian zehar, gure kolega da. Eta berak esan dezake ekitaldietan zein ondo pasatzen dugun elkarrekin».

‘Hori Bai 30 urte lotu barik’



Ironiaz beteriko prentsaurrekoa eskaini zuten larrabetzuarrek.

MARISOL RAMIREZ

lemapean, gaurtik astelehenera bitartean ekitaldiz beteriko egitaraua prestatu dute Larrabetzuko gazteek. Horrela, gaur goize-

ko txistularien doinuarekin hasita jaia eta alaitasuna ziurtatuta egongo da egun osoan. Gauean, berriz, hiru euskal talde-ari-ko di-

ra herriko plazan bilduko diren milaka gazteen aurrean: EH Sukarra, Etsaiak eta Tumbadito salsa taldea.